

शाला सिद्धि

SHAALA SIDDHI

जौगानायनि थाखाय सुमोनथाइ

फरायसालिनि गावारि सुमोनथाइनि थाखाय बोसोनखान्थि



हायुडगरि सोलोंथाइयारि सानथांखि आरो
खुंथाइ मुलुगसोलोंसालि
गोदान दिल्ली-110016



थियारि खालामग्राफोर:

प्र: प्रणति पाण्डा

ड० रस्मिता दास स्वैन

ड० अक्षय कुमार

ललिता

स्म्या सल'नी

सनाली हाजारा

बिस्वाबासु स्वाइन

नन्दिनि गांगुलि

शाला सिद्धि

जौगानायनि थाखाय सुमोनथाइ
फरायसालिनि गावारि सुमोनथाइनि थाखाय बोसोनखान्थि



हायुडारि सोलोंथाइयारि सानथांखि आरो खुंथाइ मुलुगसोलोंसालि
गोदान दिल्ली-110016

हायडारि सोलॅंथाइयारि सानथांखि आरो खुंथाइ मुलुगसोलॅंसालि(न्युपा)
(Declared by the Government of India under Section 3 of the UGC Act, 1956)

© NUEPA
फोसावनाय:

फरायसालि गावारि सुमोनथाइनि बोसोनखान्थि

फरायसालिनि गावारि सुमोनथाइ

गावारि सुमोनथाइखौ फरायसालि सुमोनथाइ बिखान्थिनि गुबै मिरु होनना गनायनाय जायो । बेयो फरायसालिखौ बेनि नायबिजिरना दिन्थिफुनायनि गोनांथार थिलि सुमोनथाइ खालामनायाव हेफाजाब होयो । फरायसालिया गेबेडै नायबिजिरना बोसोनखान्थिखौ फालिनायनि गोनांथि दं ।

बे बोसोनखान्थिनि थांखिया फरायसालि सुमोनथाइ बिखान्थिखौ फारियै आरो बोसोनखान्थि बादियै मावफुनो खाबु होनाय ।

फरायसालिखौ गावारि सुमोनथाइ खालामनायनि सिगांग्रो साननो गोनां गोनांथार सौंलुफोर-

- आथिखालाव जौनि फरायसालिनि दिन्थिफुनाया माबादि ?
- जौनि फरायसालिनि गोख्रौंथिफोरा मा ?
- मा मा बिथिडाव जौगानायनि गोनांथि दं ?
- आथिखालनि थाथायखौ मिथिनो थाखाय जौहा मा फोरमान दं ?
- जौ जौनि फरायसालिनि दिन्थिफुनायखौ माबोरै सुमोनथाइ खालामनो ?
- जौ जौनि फरायसालिनि दिन्थिफुनायखौ जौगाहोनो थाखाय मा राहा लानो हायो ?

फरायसालिनि गावारि सुमोनथाइनि थांखि-

फरायसालिनि गावारि सुमोनथाइनि थांखिया जाबाय:

- फरायसालिनो सानथांखिनाय आरो बोसोनखान्थि बादियै गावनि गोख्रौंथिखौ सिनायथिनो आरो जौगाहोनाय बिथिनि सानथांखि थियारि खालामनायाव गोहो होनाय आरो गनायथि होनाय ।
- गासै गोख्रौं बिफानारिजौं गोरुबफाना हाबायारि नायबिजिरनाय आरो थिरांथाफोर आजावनायाव मोनसे सोरजिलु हेफाजाब होनाय ।
- फरायसालिखौ थाद'नाय गैयि हाबा मावनो थाखाय खाबु होनाय आरो बारायनाय हाबानि थाखाय बिथोन होनाय ।

फरायसालिनि गावारि सुमोनथाइखौ सोर खालामगोन ?

गावारि सुमोनथाइ बिखान्थियाव फरायसालिया आबुडै बाहागो लानांगोन । गासै बिफानारि, गाहाइ फोरोंगिरि/गोरायुं, फोरोंगिरिफोर, फरायसाफोर, बिमा-बिफा, SMC/SDMCनि सोद्रोमाफोर आरो जायगानि समाजखौ गावारि सुमोनथाइ खालामनायाव बाहागो लाहोनांगोन । गावारि सुमोनथाइ खालामनाय बिखान्थिनि समाव सोमोन्दो थानाय आयदाफोराव गोनांथार थिरांथा लानो थाखाय फरायसालिया सोमोन्दो थानाय बिफानारिजों सावराइनो हायो ।

गावारि सुमोनथाइनि बिखान्थि आरो वेबपर्टेलाव फोरमायनाय फारला(Dashboard) आपल'ड खालामनायनि समजेरा मा ?

गावारि सुमोनथाइखौ मोनसे थाद'नाय गैयि बिखान्थि होनना गनायनाय जायो । बेयो अब्लासो बांसिन जाफुंसार जागोन जेब्ला बेखौ सानफ्रोमनिबो मावफारियाव थिसनफानाय जायो । गावारि सुमोनथाइ बिखान्थिनि समजेरा आयदा, महर आरो फरायसालिनि गोनांथि बादियै 2-6 दानसिम जानो हागौ । गासैबो फरायसालिनिफ्राय मिजिंथिनाय जायो दि, बे गावारि सुमोनथाइनि बिखान्थिखौ मावफुंगोन आरो जेब्लानो बेयो थियारि जागोन अब्लानो फोरमायनाय फारलायाव(Dashboard) खारिखौ थिसनगोन । गासैबो फरायसालिया गावारि सुमोनथाइनि बिखान्थिखौ हादाबसानि सोलोंथाइ बिफाना थिखाना होनाय समनि गेजेराव मावफुनांगोन ।

फरायसालि गावारि सुमोनथाइनि बिखान्थि

सांग्रांथि दानाय

फरायसालि गावारि सुमोनथाइ बिखान्थिनि थाखाय सांग्रांथि दानाया गोनांथार आयदा । फरायसालिया गाहायाव होनाय आयदाबादियै गावारि सुमोनथाइ बिखान्थिनि थाखाय थियारि जानांगोन ।

1. फरायसालि गावारि सुमोनथाइनि थांखि आरो फरायसालि जौगाखांनायनि थाखाय बेनि गोलाव सम जौगानाय सानथांखिनि सोमोन्दै गासै बिफानारिजों सावराइनांगोन ।
2. दाथाइनि आयदानि सायाव फरायसालिनि गासै सोद्रोमाया नायबिजिरनाय नोजोरजों फरायनानै आरो बेनि थार ओंथिखौ बुजिनांगोन ।
3. फरायसालिनो उदां आरो रोखा सावराइनायनि थाखाय खाबु होनांगोन ।
4. हादाबसाया दैथाइनाय फरायसालिजों सोमोन्दो थानाय आरो मावथारनो गोनां बिथांखि, सोरकारि बिथोन बायदिफोरखौ सावराइनो हायो ।
5. रोखा आरो मावफुनायाव गोनांथि होनांगौ ।

फरायसालिया गावारि सुमोनथाइनि थाखाय गाहायनि मावफारिखौ लानांगौ

राहा-1 गुदि थिलिनि थाखाय गावारि सुमोनथाइ जागायनाय

1.1 गावारि सुमोनथाइ बिखान्थिखौ जागायनो थाखाय फरायसालिया मावनांगोनः

- मोनफ्रोम गुदि थिलिनि सानथांखिखौ आलादायै जागायनांगौ ।
- मोनफ्रोम गुदि थिलिनि सानथांखि, बेनि गोनांथि आरो दाथाइनि सायाव सावराइनाय ।
- मोनसे गेबें गावारि सुमोनथाइ बिखान्थिनि थाखाय नुजानाय सौलुनि सायाव सावराइनाय आरो बिसोरखो थियारि खालामनाय ।
- मोनफ्रोम गुदि थिलिनि मावफुडारि खारि थिसन; मावफुडारि खारिया फरायसालिनि बाहायनायनि थाखाय ।
- जुनिया मानसुनाय गुदि थिलिनि थाखाय गुदि माननि गोनांथिखौ बुजि आरो बिजिर ।
- फोरमायग्राखौ बाहायनानै मोनफ्रोम गुदि थिलिनि बेनि थोरफो (Level 1/2/3) बादियै बेखेव ।

राहा-2 हाबायारि थांखि आजावनाय

2.1 फरायसालिया मोनफ्रोम गुदि माननि सोमोन्दै जाहोनारि खारि आरो थाखानाय फुंखानि बिथायाव थांखि आजावनांगौ ।

2.2 फरायसालिया एरैबादि फोरमाय एबा फुंखा बुथुमनांगौ जायनि बिथायाव बेनि थोरफो थिखालामनो हायो । गाहायाव होनाय बाहागो बादि फरायसालिया फुंखानि मोनसे फारिलाइ बानायनांगौ जायनि हेफाजाबाव थांखि आजावनायाव हेफाजाब जायोः

- सोमोन्दोआरि फोरमान(मान/बोसोनखान्थि/रेबथुमनाय/सोरखारि बिथोनफोर) ।
- फरायसालियाव थानाय हेफाजाबारि फोरमान ।
- फरायसालिया सोरजिनो गोनां फोरमान(थाखो ख'था नोजोर होनाय, सोलौसा, बिमा-बिफा आरो फरायसालि सामलायग्रा आफादनि बिबुंथि)।

2.3 फोरमायग्रानि बिजिरनायनि बिथायाव फरायसालिया मोनफ्रोम गुदि थिलिनि थाखाय गावारि थोरफोआव नायबिजिरनांगौ आरो बे हाबा मावलांनायाव गेबें खारि आरो फुंखानि हेफाजाब लानांगौ ।

2.4 गुदि माननि मोनसे थोरफो थिखालामनाय समाव फरायसालिया जथाइ थांखि आजावनांगौ ।

राहा-3 फिनथाइनि फारि साजायनाय सिनायथिनाय आरो फरायसालि सोलिफु थाथाइनि रेबगान्थिनाय

3.1 फरायसालिया मोनफ्रोम गुदि थिलिनि थाखाय होखानाय फिनथाइ फारि साजायनायाव गावनि बिजिरनायखौ रेबगान्थि खालामनांगोन । फिनथाइनि फारि साजायनाया फरायसालिनि मोनसे आबुं सावगारि होगोन, आथिखालाव फरायसालिया बबे गुदि थिलियाव माबादि मावफुंजादौ ।

3.2 फिनथाइनि फारि साजायनायजौ लोब्बा लाखिनानै मोनफ्रोम गुदि थिलिनि जौगानायनि थाखाय लानो गोनां थिलिफोरखौ फरायसालिया सायख'गोन आरो बेखौ जौगानायनि थाखाय गाहाय, गेजेर आरो गोजौ(L/M/H) महरै सिगांग्रो खाबु होगोन(रेबसुं: सिगांग्रो खाबुथि महरै फरायसालिनि गोख्रै गोनांथि, सोरकारि सानथांखि मावफुंनाय, जायगानि थासारि आरो फरायसालिनि गावनि सिमा आरो फुंखानि सायाव सोनारगोन)। बिदिनो फरायसालिया गुदि माननि जौगानायनि थाखाय फैगौ थाम बोसोरनि थाखाय(मायथाइ 1, 2, 3) मावफारि बिथांखि लागोन ।

3.3 मोनफ्रोमबो गुदि थिलियाव जौगानायनि थाखाय फरायसालिया थिलि सायख'गोन । बेनि थाखाय फरायसालिनो गुदि थिलि बादियै थोरफोनि फारागथिखौ गोनांथि होनांगौ, जेराव फरायसालिया गावखौ सिनायगोन आरो लोगोसे गोनांथार मावफारिखौ गोजौ थोरफोआव जौगाहोनो हागोन ।

3.4 फरायसालिया गोदानै दिहुननायफोर दंब्ला रेबगान्थि खालामगोन-

- जुदि बबेबा गुदि माननि दिन्थिफुंनाया थोरफो-थामनिबो बारा जायोब्ला ।

- जुदि गुदि थिलिजौ सोमोन्दो थानाय बबेबा गोदान दिहुननाय सर'खौ थुलुंगा होयोब्ला ।

3.5 फोरमायनाय फारलाखौ आबुं खालामनो थाखाय फरायसालिया जाहोनारि खारि, फिनथाइ फारि साजायनाय आरो जौगानायनि थाखाय थियारि खालामनाय खारि फारिलाइखौ बाहायनांगौ ।

राहा-4 फरायसालि सुमोनथाइ फोरमायनाय फारलाखौ हार्ड कपियाव थिसननाय अननानै फोरमायनाय फारलानि हार्ड कपिखौ थिलिबादियै खारिजों लोगोसे फरायसालियाव लाखि ।

4.1 फरायसालिनि गुदि खारि

फरायसालिनि आबुं फोरमायथिखौ खेबसेयावनो मिथिनो थाखाय फरायसालिनि गुदि खारि थानाया गोनांथार । सोल्लोसा, सोल्लोनायनि फिथाइ आरो फोरोंगिरिफोरा फरायसालिनि गुदि दिन्थिफुंनाय थिलिजों इसिडारि सोमोन्दो दं ।

सुबुं अनजिमानि सुंद' खेंफोरथाइ

- फरायसा एबा सोल्लोसानि सुबुं अनजिमानि सुंद' खेंफोरथाइया फरायसालिनि सोल्लोसानि समाजारि, रांखान्थियारि आरो हारिमुवारि जथाइ सावगारि दिन्थियो । बेयो फरायसालियाव फैनो गोनां सोल्लोसाफोरनो बुजिनाय गोहोखौ बारायनायाव थुलुंगा होयो ।
- फरायसालिया SC, ST, OBC, General आरो Minority हारिनि फरायसानि बिबांखौ मिथिहोनांगौ । बाडाइ सुबुं सानखो एबा माइन्'रिटि फरायसाफोरनि बिबांखौ गासैयाव दाजाबफानाडा ।

सोल्लोसानि सुंद' खेंफोरथाइ आरो सोल्लोनायनि फिथाइ

- सोल्लोनायनि फिथाइया सोल्लोसानि दावगानाय, जौगानाय आरो मोनफुंनायखौ नायबिजिरो । बेयो फरायसालिनि दिन्थिफुंनाय थोरफोनि बेरखांहोग्रा मोनसे गोनांथार बाहागो ।
- फरायसालिया फरायसाफोरनो सोल्लोनायनि फिथाइखौ मोनफ्रोमबो थाखोआव जौखोन्दो साननाय आरो होखानाय बादि फारियाव होनांगोन(<33, 33-40, 41-50, 51-60, 61-70, 71-80, 81-90, 91-100) । बिदिन्थिनि थाखाय जुदि से थाखोआव 50 फरायसा दं, बेनि 4% थामहिनबा सा 2 फरायसाया फारियै 10(20%) आरो 12(24%) नम्बर मोननो हदों । बेनि ओंथिया 4 फरायसा 33नि खाम नम्बर मोननो हानाय थाखोआव फैगोन ।
- सोल्लोनायनि फिथाइया बोसोरारि जथाइ फोरमायथिनि सायाव बिथा खालामनानै जानांगौ(मोनसे सोल्लोथाइयारि बोसोरनि जोबथा फिथाइ) । बिदिन्थि बादियै, जुदि फरायसालिया फोरमायनाय फारलाखौ सोल्लोथाइयारि बोसोरनि जायखि जाया सम एबा दानाव आबुं खालामोब्ला बे बाथ्राखौ नोजोर होथार नांगोन दि, थाखानाय बोसोरारि जोबथा जथाइ खारिखौसो बाहायनाय जायो(बारलांनाय सोल्लोथाइयारि बोसोरनि फोरमायथि) ।

थाखो बादियै बोसोरारि नुजाथिनाय हार

- फरायसानि बोसोरारि नुजाथिनाय हारा बिनि फरायसालि बिखान्थियाव गोजोरथि आरो बाहागोलानायखौ फोरमायो । सोलोंसानि नुजाथिनाया बिनि जौगानाय, मोनफुंनाय आरो गासै बिथिं जौगानायजों खाथिसिन सोमोन्दो दं ।
- नुजाथिनाय रेबथुमनायनिफ्राय फरायसालिया फरायसानि थाखोबादियै बोसोरारि नुजाथिनाय हारखौ सानफुरगोन(हौवासा आरो हिन्जावसा आलादायै) ।
- फरायसालिया थाखोबादियै गासै फरायसानि बोसोरारि नुजाथिनायखौ होनांगोन । बिदिन्थि बादियै, जुदि फरायसालिया फोरमायनाय फारलाखौ सोलोंथाइ बोसोरनि जायखि जाया समाव एबा दानाव सुफुडोब्लो, बेयाव फरायसानि बोसोरारि नुजाथिनायाव बारलांनाय बोसोरनि नुजाथिनायनि खारिखौ होथारनांगोन ।

$$\text{बोसोरारि नुजाथिनाय हार} = \frac{\text{गासै फरायसानि गासै बोसोरारि नुजाथिनाय}}{\text{गासै फरायसानि बिबां} \times \text{बोसोरारि थाखो सान}} \times 100$$

नुजाथिनाय हारा सानफुरनायनि बिदिन्थि:-

हमना ला,

गासै होखानाय थाखो सान	= 220
बबेबा थाखोआव सा 50 फरायसानि बोसोरारि नुजाथिनाय	=9850
गासै हौवासानि बिबां	=30
हौवासानि गासै बोसोरारि नुजाथिनाय	=6200
हिन्जावसानि बिबां	=20
हिन्जावसानि गासै बोसोरारि नुजाथिनाय	=3650

बोसोरारि नुजाथिनाय हार		
हौवासा	$\text{बोसोरारि नुजाथिनाय हार} = \frac{\text{हौवासानि गासै बोसोरारि नुजाथिनाय}}{\text{गासै हौवासानि बिबां} \times \text{गासै थाखो सान}} \times 100$	$\text{बोसोरारि नुजाथिनाय हार} = \frac{6200}{30 \times 220} \times 100 = 93.94\%$
हिन्जावसा	$\text{बोसोरारि नुजाथिनाय हार} = \frac{\text{हिन्जावसानि गासै बोसोरारि नुजाथिनाय}}{\text{गासै हिन्जावसानि बिबां} \times \text{गासै थाखो सान}} \times 100$	$\text{बोसोरारि नुजाथिनाय हार} = \frac{3650}{20 \times 220} \times 100 = 82.95\%$
गासै	$\text{बोसोरारि नुजाथिनाय हार} = \frac{\text{फरायसानि गासै बोसोरारि नुजाथिनाय}}{\text{गासै फरायसानि बिबां} \times \text{गासै थाखो सान}} \times 100$	$\text{बोसोरारि नुजाथिनाय हार} = \frac{9850}{50 \times 220} \times 100 = 89.55\%$

रेबसुं:

- हौवासा आरो हिन्जावसानि बोसोरारि नुजाथिनाय हारखौ आलादायै सानफुर ।
- नुजाथिनाय हारा जाबाय फरायसालियाव गासै थाखो सानाव गासै फरायसाफोरनि नुजाथिनाय सानजेर ।
- थाखो बादियै बोसोरारि नुजाथिनाय हारा फरायसाफोरनि फरायसालियाव नुजाथिनाय गोजोरथिखौ बेरखांहोयो । बेयो बेखायनो जोबोर गोनांथार मानोना सोलौंथाइयारि बिथिडाव जाफुंसार जायो जाय फरायसालियाव खान्थिबादियै नुजाथियो ।
- बेखायनो बोसोरारि नुजाथिनाय हारा थाखोनि सोलौंनायनि फिथाइयाव थौंजो गोहोम खोलैयो ।

गुदि आयदाफोरनि दिन्थिफुंनाय

बिथा

- गुदि आयदानि दिन्थिफुंनाया(बोसोरारि) फरायसानि गासै गुदि आयदानि सोमोन्दोआरि मोनफुंनायखौ दिन्थियो ।
- लोगोसे बे बाथ्राखौ मिथिहोयो, फरायसालिया जायफोर आयदायाव गोबाव सम लोर्बा दिन्थिफुंबाय थारो आरो जौगानायनि गोनांथि दं ।
- बेयो फरायसालिनि गासै थिलियाव दिन्थिफुंनायनि गासै बिथिंजोबो खाथि सोमोन्दो दं ।

बिथोन

- फरायसालिया फरायसानि मोननाय गासै नम्बरजो लोगोसे गुदि आयदा/बाहागोनि राव-1, राव-2, बिगियान आरो सानखान्थि आरो समाज बिगियान आयदाफोराव मोननाय जौखोन्दोनि जायगायाव गाहायाव होनाय बादि मोनफ्रोम गेड(A,B,C,D,E) होनांगोन ।

फरायसाफोरनि मानबादियै दिन्थिफुंनायनि ग्रेड-

ग्रेडA: बै फरायसाफोरनि जौखोन्दो जायफोर गुदि आयदायाव 81 – 100 नि गेजेराव नम्बर मोनदो ।

ग्रेडB: बै फरायसाफोरनि जौखोन्दो जायफोर गुदि आयदायाव 61 – 80 नि गेजेराव नम्बर मोनदो ।

ग्रेडC: बै फरायसाफोरनि जौखोन्दो जायफोर गुदि आयदायाव 41 – 60 नि गेजेराव नम्बर मोनदो ।

ग्रेडD: बै फरायसाफोरनि जौखोन्दो जायफोर गुदि आयदायाव 33 – 40 नि गेजेराव नम्बर मोनदो ।

ग्रेडE: बै फरायसाफोरनि जौखोन्दो जायफोर गुदि आयदायाव 00 – 32 नि गेजेराव नम्बर मोनदो ।

फोरोंगिरिनि फोरमायथि

बिथा

- फोरोंगिरिनि जिउ राहायारि फोरोंथाइया सोलोंथाइनि मानखौ रोखा खालामनो थाखाय गोनांथार आरो बेयो सोलोंसानि सोलोंथाइयारि जाफुंसारनायनि बयनिखुइबो गोनांथार फरायसालि बिथायारि बिथांखि ।
- फोरोंगिरिया जायखि जाया जाहोननि थाखाय फरायसालियाव नुजाथिनो हायैया फरायसानि दिन्थिफुंनाय आरो फरायसालिनि गासै दिन्थिफुंनायनि सायाव गाज्जि गोहोम खोलैयो, मावख'आरि गनायथि मोननायानो जाथौ एबा फोरोंथाइयाव बाहागो लानायनि गनायथियानो जायार्थोमानो ।

बिथोन

- गासै फोरोंगिरिफोर, रेगुलार एबा कन्ट्रेकसुवेलानो जा हौवा आरो हिन्जावनि बाहागोआव खारि थिसननांगोन
 - फरायसालिया आथिखालाव हाबामावनाय फोरोंगिरिफोरनि बिबांखौ मोनफ्रोमबो बाहागोआव थिसननांगोन: a) हौवा(फोरोंथाइगोनां आरो फोरोंथाइ गैयि);
b) हिन्जाव(फोरोंथाइगोनां आरो फोरोंथाइ गैयि),
c) गासै(फोरोंथाइगोनां आरो फोरोंथाइ गैयि)
- # फोरोंथाइ मोननाय फोरोंगिरिफोरा जाबाय: जायफोरहा फोरोंनायाव NCTEनि मानबादियै डिग्रि एबा डिप्ल'मा दं ।
- गोबाव सम सुथिलानाय फारियाव(दानसेनि बांसिन), फरायसालिया बैफोर गासै फोरोंगिरिनि अनजिमाफोरखौ होनांगोन जायफोरो बारलांनाय सोलोंथाइयारि बोसोराव दानसे एबा बेनि बांसिन एबा खावसे बाहागो गासै सुथि लादौं ।
 - सुंथाब समनि सुथि लानाय फारियाव(हाफथासे सिम), फरायसालिया बैफोर गासै फोरोंगिरिनि अनजिमाफोरखौ होनांगोन जायफोरो बारलांनाय सोलोंथाइयारि बोसोराव हाफथासे एबा दानसेसिम एबा खावसे बाहागो गासै सुथि लादौं ।

4.2 फरायसालि सुमोनथाइनि ज'थाइ फारि साजायनाय

बिथा

- फरायसालि सुमोनथाइनि जथाइ फारि साजायनाया मोनस्नि गुदि थिलिनि गेजेरजों फरायसालिनि गासै दिन्थिफुंनायखौ दिन्थियो ।
- फरायसालिनि दिन्थिफुंनायखौ साग्लोबसार बिथिडाव नोजोर होनो थाखाय जथाइ फारि साजायनायखौ फरायसालिनि गुदि खारिजों सरजाबफाना नायनांगौ ।
- गिबि होग्रोथाइनि बिखान्थिजों गुदि माननि जथाइ फारि साजायनाया फरायसालिनो सोलायनाय गोहो आरो गनायथि होयो ।

बिथोन

- फरायसालिया जथाइ फारि साजायनायाव 'Self' फारिखौल' सुफुंनांगौ ।
- फरायसालिया मोनफ्रोमबो गुबै मानथाखोनि सोमोन्दै गुदि थिलिनि फिनथाइ फारि साजायनायखौ नोजोर होनानै गावनि थोरफोखौ(थोरफो 1/2/3) सुफुंगोन ।
- फरायसालिया मोनफ्रोमबो गुदि थिलिनि 'जौगानायनि थाखाय सानथांखि' निफ्राय 'जौगानायनि थाखाय होग्रोथाइ थिलि'खौ आबुं खालामनांगौ ।

4.3 थाद'नाय गैयि फरायसालि जौगाखां सानथांखिनि मावफारि (ACSIP)

बे बाहागोनि फोरमायनाय फारलाया फरायसालियाव जौगानायनि थांखिखौ आरोबाव बारायनो थाखाय फरायसालिनि जोहै मावफुंनांगौ हाबाफारिखौ दिन्थियो ।

मिचन स्टेटमेन्ट

फरायसालि गावारि सुमोनथाइनि थाखाय फरायसालिया 'मिचन स्टेटमेन्ट' लिरनांगौ । फरायसालिनि 'मिचन स्टेटमेन्ट'आ फरायसालिनि जोहै थिखानाय थांखिखौ मोनफुंनो थाखाय मोनसे जथाइ नोजोर थियारि खालामो ।

बिथा

मिचन स्टेटमेन्टआ मोनफुंनो गोनां थांखि आरो बेनि राहालामाखौ दाना होयो ।

बिथोन

मिचन स्टेटमेन्टआ जानांगौ:

- फरायसालि गावारि सुमोनथाइनि बिथायाव जानांगौ ।
- सिरिनै एबा सिरिथाम जानांगौ(20निफ्राय 50 सोदोब) ।
- बोसोरारि नायबिजिरनाय आरो फाहामनाय जानांगौ ।

जौगानायनि थिलि

शाला सिद्धि हाबाफारिया फरायसालि सुमोनथाइखौ फरायसालि जौगाहोनायनि मोनसे थांखि महरै आजावदों । बेखौ बाहायनो थाखाय फरायसालिनिफ्राय मिजिंथिनाय जादोंदि, गावनि जौगाखांनायनि थिलिखौ फरायसालिया गावनो सिनायथिनांगोन । फरायसालिनि जौगाखां थिलिखौ होग्रोथाइनि बिथायाव मोनफ्रोम गुदि थिलिनि माननि सायाव जथाइ राहा आजावनाय, मावथांखि लिरनाय आरो बेनि बादियै हाबाफारि आजावनो थाखाय बिफानारि आरो बिखान्थिनि हेफाजाब लानांगोन ।

बिथोन:

- होग्रोथाइनि बिथायाव गुदि थिलिनि सिडाव(गोजौ, गेजेर आरो गाहाय) फरायसालि जौगानायनि थाखाय बिथांखि होनांगौ ।
- फरायसालिया उनाव गुदि मानखौ जथाइयै सिनायथिनानै गोरब्रैनो राहा लानाय आरो मोनसे थि समनि गेजेराव मावफुंनांगोन ।
- जौगानायनि थाखाय खायफा थिलिनो खम समनि गोनांथि जानो हागौ नाथाय गुबुन थिलिफोरनि थाखाय गोबाव समनिबो गोनांथि जानो हागौ ।

थांखिनाय मावफारि

बिथा

थांखिनाय मावफारिया बैफोर हाबाफारिफोरखौ दिन्थियो जायनि गेजेरजौ फरायसालिनि जौगानायखौ लाबोनो हायो ।

बिथोन:

- थांखिनाय मावफारिया गनायजाथाव आरो बाहायजाथाव जानांगौ ।
- थांखिनाय मावफारिनि थाखाय गुदि माननि गोजौ थोरफोनि फोरमायग्राखौ बाहायनांगौ ।

हेफाजाबनि गोनांथि

बिथा

जौगाखां फसंथान महरै फरायसालिनो बेनि जौगानायनि थाखाय थाद'नाय गैयि हेफाजाबनि गोनांथि जायो । फरायसालिनो गावनि जौगाखांनायनि थाखाय गोनांथि बादियै हेफाजाबा नागारहायै ।

बिथोन

- फरायसालिया गोनांथि जानाय हेफाजाबखौ मख'नांगोन ।
- फरायसालिया गोनांथि जानाय हेफाजाबफोरखौ सिनायथिनांगोन जायखौ गावनि थोरफो, खोन्दोसा, खोन्दो, जिला, हादाबसा थोरफोनि मावख', खाथिनि फरायसालिनिफ्राय आरो गुबुन फसंथाननि थोरफोनिफ्राय मोननो हायो ।
- फरायसालिया राइजोनिफ्राय हेफाजाब नायगिरनो हायो आरो गुबुन थानाय फुंखाफोरखौ बाहायनो हायो ।

राहा लानाय

बिथा

राहा लानाय बुडोब्ला थांखिनाय गुदि माननि जौगानाय आरो सोलायनाय मोनफुंनायखौनो बुंनाय जायो ।

बिथोन

- फरायसालिया आजावनाय राहाफोरखौ मख'नांगोन, जुदि सिगाडावनो थांखिनाय राहाफारिनि माबाफोर हाबा मावनाय जादोब्ला ।
- फरायसालिया आजावनाय राहाफोरखौ मख'नांगोन जुदि मावफुंनो लानाय जादोब्ला, मावगासिनो दंब्ला, एबा थांखिनाय राहाखौ मावनो लादोब्ला ।
- फरायसालिया थांखिनाय राहानि अनगायैबो उफेरायै थाद'नाय गैयि बिखान्थिजो राहा लानो हायो ।
- फरायसालिनि सोलायनाय आरो जौगानायनि बिखान्थि सामलायनायनि थाखाय फरायसालिखौ बायदि गुदि माननि थोरफोआव जौगानायनि थाखाय फरायसालिनि जोहै आजावनाय हाबाफारिखौ फोरमायनांगौ ।

4.4 सोलायनायनि फालिथाइ

शाला शिध्दिनि गाहाय नोजोरा जाबाय फरायसालि सुमोन्थाइ आरो फरायसालि जौगानाय थांखि । फरायसालियाव सोलायनाय आरो जौगानायनि हाबाफारि लानाया गोनांथार । बेयो फरायसालिनि सोलायनाय आरो जौगानायनि राहाफारि जागायगोन लोगोसे राइजोफोरखौबो बे सोलायनाय हाबाफारियाव सरजाबफानो थुलुंगा होगोन । बेनि जोबथा थांखिआव सहैनायनि थाखाय बिथांखि लानाय जादोदि, हादरनि गासै फरायसालिनि सोलायनाय फालिथाइ खुंनो थाखाय एखे सानावनो गासै फरायसालिखौ लानानै जुनिया हाबाफारि लानाय जाथौ ।

राहा-5

वेब पर्टेलाव फरायसालि सुमोनथाइ फारला आपल'ड खालामनाय

Web address: www.shaaalassiddhi.nuepa.org

- अननानै शाला सिध्दि वेब पर्टेल बाहायनाय आबुं मिथिनायनि थाखाय बाहायनाय बिजाबसाखौ नाय ।
- वेब पर्टेलाव फरायसालिनि गावारि सुमोनथाइनि खारि थिसननायनि सिगांनो नोंथांनि सुबिदानि थाखाय अननानै सुमोनथाइ फारलानि हार्ड कपिखौ आबुं खालामग्रो ।

अननानै बाहायग्राया User ID आरो PIN (OTP), Password बानायनो थाखाय गाहायाव होनाय बिथोनफोरखौ नाय:

Instruction बिथोन

- बे वेबसाइटखौ फरायसालिनि गनायथि मोननाय सुबुडासो बाहायनो हागोन ।
- फरायसालिया थं बार URL <http://www.shaaalassiddhi.nuepa.org> आव टाइप खालाम ।
- वेब पर्टेलनि Home pageआ स्क्रिनाव नुजागोन ।

Step 1 राहा-1

- 5.1. नोंथाडा गिबिखेब बाहायग्राब्ला new user आव क्लिक खालाम ।
 - 5.2. फरायसालिया फरायसालिनि थोरफोनि user जॉल' login खालाम ।
 - 5.3. UDISEनि मोन 11 सानजिमा Code खौ थिसन ।
 - 5.4. गासै गोनांथार आयदाखौ थिसन ।
 - 5.5. एखुथा PIN (OTP)नि थाखाय मबाइल नं एबा इ-मेइल आइडि नडाबा मोननैखौबो थिसन ।
 - 5.6. एखुथा PIN (OTP) मोनखांनायनि उनाव नोंथांनि मबाइल एबा इ-मेइल आइडिनि गेजेरजो मोननाय PIN (OTP)खौ उननि मावफारिनि थाखाय थिसन ।
- रेबसुं: जुदि नों 120 सेकेण्डनि गेजेराव मोनाखैब्ला, Regenerate PIN (OTP)फिन बुटामाव थु ।
- 5.7. Submit आव क्लिक खालाम;
 - a) नों जुदि मोनद' गेबें सानजिमनि PIN (OTP)खौ थिसनदोंब्ला, नों उननि आयदायाव सहैगोन ।
 - b) नों जुदि थिसननाय six digits PIN (OTP)आ गोरान्थिब्ला, नों गोरान्थि जानाय 'Invalid PIN (OTP)' रादाबखौ मोनगोन ।
 - c) अननानै नोंनि login Id, Password आरो PIN (OTP)खौ उनाव बाहायनो हानाय बादि save खालाम ।
 - d) passwordखौ बावगारोब्ला 'forget password'आव थुनानै UDISE code आरो PIN (OTP) खौ थिसनफिनना गोदान password बानायनो हागोन । गोसोआव लाखि जेब्ला नों OTPखौ बावगारो अब्ला नोंथांनि मबाइल एबा इ-मेइल आइडि आव नायफिना लानो हागोन ।

e) जुदि नॅथाडा रेबथुमनाय मबाइल नं एबा इ-मेइल आइडिखौ गोसोखांनो हायाखैब्ला सामलायगिरिनिफ्राय सुलाद लानो हागोन ।

राहा-2

5.8. गोदान password बानाय आरो गोदान password खौ रोखा खालाम ।

(खान्थि: passwordनि बिबाडा 8 निफ्राय 10 बिबांनि महरगोनां जानांगोन, मोनसे फिसा हांखो, मोनसे गिदिर हांखो, मोनसे सानजिमा आरो जुनिया महर । गनायजानाय जुनिया महरफोरा जाबाय: !@#\$%^&*()+=) (बिदिन्थि: Nav@2012)

a) password दानायाव जाफुंसार जायोब्ला, नौ थौंजौं home page आव हाबनो हागोन ।

b) जुदि password दानाया नेम खान्थिबादि(Refer Point 5.8) जायाखैब्ला, गेबें खालामनो थाखाय रादाब नूनो मोनगोन ।

c) जाफुंसारै passwordदाखांनयनि उनाव फरायसालिया screenनि आगसिथिंजाय थानाय iconआव क्लिक खालामनो हागोन आरो फोरमायथि फारलाखौ आबुं खालामनो हागोन ।

d) मोनफ्रोमबो राहाफोरखौ जाफुंसारै बारखांनय उनाव फरायसालिया submit आव क्लिक खालामनांगोन आरो उननि आयदानि थाखाय बारलांनगोन ।

e) मोनफ्रोमबो आयदा जाफुंसारै थिसनखांनयनि उनाव Home iconआव statusआ गोथां गाबाव सोलायगोन ।

राहा-3

5.9. गोसोआव ला, जोबथा submissionनि उनाव नॅथाडा फोरमायग्रा फारलाखौ सुजुनो एबा सोलायफिननो हानाय नडा । जुदि फरायसालिया जोबथा submissionनि उनाव सुजुफिननो एबा सोलायनो सानोब्ला सामलायगिरिजौं सुंजोबनो हायो आरो unfreeze क्लिक खालामना सोदांनयनि थाखाय आरज खालामनो हायो ।

5.10. फरायसालि बाहायग्राया गावारि सुमोनथाइ फोरमायथिखौ गुबुन गुबुन format जेरै- PDF आरो Excel आव save खालामना दोननो हायो ।

5.11. गासै वेब पर्टेलजौं सोमोन्दो थानाय अजदफोरखौ usse@nuepa.org.इ-मेलजौं दैथाइनो हागोन ।

रेबसुं:

- अननानै बारलांनय बोसोरनि खारि(फरायसा आरो फोरोंगिरि)खौ थिसन आरो गुदि थिलिनि बेलायाव बोहैथि बोसोरखौ सायख' ।
- मोनफ्रोमबो आयदानि खारि थिसननाय सिगांनो बिमुंफोरखौ रोखायै फरायग्रोनो थाखाय नॅथांखौ खाउलायबाय ।



Unit on School Standards and Evaluation
National University of Educational Planning and Administration

17-B, Sri Aurobindo Marg, New Delhi-110016 (INDIA)

EPABX Nos. : 26565600, 26544800

Fax : 91-011-26853041, 26865180

E-mail: usse@nuepa.org

Website: www.nuepa.org, www.nuepa.eduplan.nic.in